

Na osnovu člana 31. stav (1) Zakona o Vladi Srednjobosanskog kantona ("Sl. novine Srednjobosanskog kantona", broj: 5/03-prečišćen tekst i 14/03), i člana 35. stav (1) Zakona o turističkim zajednicama Srednjobosanskog kantona (Sl. novine Srednjobosanskog kantona, broj 3/20), Vlada Srednjobosanskog kantona, na sjednici održanoj 14.5.2020 godine, d o n o s i

O D L U K U
O VISINI BORAVIŠNE TAKSE NA PODRUČJU
SREDNJOBOSANSKOG KANTONA ZA 2020. GODINU

Član 1.
(Predmet)

Ovom odlukom utvrđuje se visina boravišne takse na području Srednjobosanskog kantona za 2020. godinu, obaveznik uplate boravišne takse i način uplate boravišne takse.

Član 2.
(Visina boravišne takse)

- (1) Boravišna taksa za 2020. godinu iznosi 2,00 KM.
- (2) Dnevna boravišna taksa za 2020. godinu iznosi 1,00 KM.
- (3) Za fizička lica koja pružaju usluge smještaja u domaćinstvu i seoskom domaćinstvu utvrđuje se boravišna taksa u godišnjem paušalnom iznosu od 50,00 KM, za svaki krevet i smještajnu jedinicu koja se koristi za pružanje usluga smještaja.

Član 3.
(Obaveznik uplate boravišne takse)

Obaveznik uplate boravišne takse Turističkoj zajednici Srednjobosanskog kantona (u daljem tekstu: Turistička zajednica) je:

- a) pravno ili fizičko lice koje pruža usluge noćenja u smještajnom objektu u kojem se obavlja ugostiteljska djelatnost
- b) putnička agencija organizator putovanja, koja plaća dnevnu boravišnu taksu po svakom grupnom dolasku turista u turističko mjesto bez noćenja
- c) fizičko lice koje pruža uslugu smještaja u domaćinstvu i seoskom domaćinstvu.

Član 4.
(Način uplate boravišne takse)

Obaveznik uplate boravišne takse iz člana 3. ove odluke uplaćuje naplaćenu boravišnu taksu na račun Turističke zajednice Srednjobosanskog kantona u skladu sa članom 38. stav (2). Zakona o turističkim zajednicama Srednjobosanskog kantona (Sl. novine Srednjobosanskog kantona, broj 3/20).

Član 5.
(Stupanje na snagu)

Odluka stupa na snagu danom donošenja, a primjenjuje se osam dana od dana objavljivanja u Službenim novinama Srednjobosanskog kantona.

Broj: 01-11.7.393/2020
Travnik: 15.5.2020



PREMIJER KANTONA
Tahir Lendo, dipl.ing